

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 47. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 31/22 i 8/24), ministar za boračka pitanja Kantona Sarajevo donosi

### INSTRUKCIJU

#### O IZMJENAMA I DOPUNAMA INSTRUKCIJE O NAČINU IZVRŠENJA UPRAVNIH I STRUČNIH POSLOVA U POSTUPKU ODLUČIVANJA O PRAVU NA NAKNADU TROŠKOVA DŽENAZE-SAHRANE

##### Član 1.

(Izmjene člana 1.)

U Instrukciji o načinu izvršenja upravnih i stručnih poslova u postupku odlučivanja o pravu na naknadu troškova dženaze-sahrane ("Službene novine Kantona Sarajevo", broj 39/22) u članu 1. riječ i broj "broj 31/22", zamjenjuju se riječju i brojevima: "br. 31/22 i 8/24".

##### Član 2.

(Dopune člana 3.)

- U članu 3. stav (1) iza riječi: "godine", dodaju se riječi: "pod uvjetom da ovo pravo nisu ostvarili po drugom osnovu pritom izuzimajući jednokratne novčane pomoći za slučaj smrti koje ne prelaze iznos od dvije prosječne neto plaće zaposlenih u Federaciji Bosne i Hercegovine iz prethodne godine."
- U članu 3. iza stava (7) dodaje se novi stav (8) koji glasi: "Pravo na naknadu troškova dženaze-sahrane ne može ostvariti lice koje je po osnovu umrlog lica iz člana 1. Zakona ostvarilo pravo na naknadu troškova dženaze-sahrane po drugom osnovu npr. kao pravo koje proističe iz radnog odnosa, pravo ostvareno od drugog nivoa vlasti i dr., ili je korisnik jednokratne novčane pomoći za slučaj smrti lica iz člana 1. Zakona koje prelaze iznos od dvije prosječne neto plaće zaposlenih u Federaciji Bosne i Hercegovine iz prethodne godine."

##### Član 3.

(Dopune člana 7.)

- U članu 7. iza tačke d) dodaje se nova tačka e) koja glasi: "e) izjava podnosioca zahtjeva data pod punom materijalnom i krivičnom odgovornošću, ovjerena kod nadležnog organa da naknadu troškova dženaze-sahrane nije ostvario po drugom osnovu ili ukoliko je bio korisnik jednokratne novčane pomoći za slučaj smrti lica iz člana 1. Zakona navesti iznos naknade/pomoći i naziv organa/institucije/pravnog lica od kojeg je dobio naknadu sa dokazom kojim je odobrena naknada,"

- Dosadašnja tačka e) postaje tačka f).

##### Član 4.

(Završne odredbe)

Ova instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-10021/24

18. marta 2024. godine

Sarajevo

Ministar

Dr. sc. Omer Osmanović, s. r.

novine Federacije BiH", broj 35/05), ministar za boračka pitanja Kantona Sarajevo donosi

### INSTRUKCIJU

#### O IZMJENAMA INSTRUKCIJE O NAČINU IZVRŠENJA UPRAVNIH POSLOVA U POSTUPKU ODLUČIVANJA O PRAVU NA MJESEČNA NOVČANA PRIMANJA ZA PERSONALNU ASISTENCIJU RATNIH VOJNIH INVALIDA PARAPLEGIČARA I RATNIH VOJNIH INVALIDA KOJIMA JE PRIZNATO PRAVO NA DODATAK ZA NJEGU I POMOĆ OD DRUGOG LICA

##### Član 1.

(Izmjena člana 1.)

U Instrukciji o načinu izvršenja upravnih i stručnih poslova u postupku odlučivanja o pravu na mjesečna novčana primanja za personalnu asistenciju ratnih vojnih invalida paraplegičara i ratnih vojnih invalida kojima je priznato pravo na dodatak za njegu i pomoć od drugog lica ("Službene novine Kantona Sarajevo", broj 33/22) u članu 1. riječ i broj "broj 31/22", zamjenjuju se riječju i brojevima: "br. 31/22 i 8/24".

##### Član 2.

(Izmjena člana 2.)

- U članu 2. stav (3) tačka d) riječi: "odlukom ministar za boračka pitanja Kantona Sarajevo nakon objave saopćenja Federanog zavoda za statistiku o iznosu prosječne neto plaće ostvarene u Kantonu Sarajevo u prethodnoj godini", zamjenjuju se riječima: "se odlukom Vlade Kantona na prijedlog ministra, uz primjenu koeficijenta za obračun, a najmanje jednom godišnje, u skladu sa raspoloživim budžetskim sredstvima".
- U članu 2. stav (4) riječi: "broj odluke ministra", zamjenjuju se riječima: "broj odluke Vlade Kantona".

##### Član 3.

(Stupanje na snagu)

Ova instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-10022/24

18. marta 2024. godine

Sarajevo

Ministar

Dr. sc. Omer Osmanović, s. r.

### Ministarstvo zdravstva Kantona Sarajevo

Na osnovu člana 70. st. (1) i (2) Zakona o organizaciji organa uprave u Federaciji BiH ("Službene novine Federacije BiH", broj 35/05) i člana 6. stav (1) Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13, 27/14 i 33/19), prijedloga Komisije za pripremu Odluke o slobodnim lokacijama za osnivanje apoteka za 2024. godinu na području Kantona Sarajevo, Ministarstvo zdravstva Kantona Sarajevo donosi

### ODLUKU

#### O SLOBODNIM LOKACIJAMA ZA OSNIVANJE APOTEKA ZA 2024. GODINU NA PODRUČJU KANTONA SARAJEVO

##### I

Ovom Odlukom definišu se slobodne lokacije na području Kantona Sarajevo za 2024. godinu, za osnivanje apoteka, u skladu sa demografskim i geografskim kriterijima utvrđenim

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene